

QVÆSTIO MEDICA
QVOD LIBETARIIS DISPUTATIONIBVS MANE DISCVTIENDA
IN SCHOLIS MEDICORVM; DIE IOVIS VIGESIMA MENSIS FEBRVARII.
M. CLAVDIO CHRISTIANO Doctore Medico Moderatore.

An mores à Semine ?

762



N moribus natura ducit, regit doctrina, exercitatio hanc & illam confirmat ac etiam superat: ^{sed} quasi ^{sed} assuetudo scilicet turpis aut honesta: ea si indolens sequitur, habitus penè naturalis est, aliàs difficile contrahendus, vsque recurrente naturà, que dissimulari quidem potest, vix mutari. Nescio an Socrates ipse placito ^{semper pugnavit amori}. Voluntas licet domina & libera, haud tamen satis firma, vt plurimum cedit inclinanti non cælo aut solo, sed temperamento: *Hinc metumunt cupiuntque, dolent gaudentque, nec auras respiciunt animæ tenebris* ^{et} *carere clausæ*. Vt quælibet alia facultas organica, sic appetitus sensitivus, quo rationalis trahitur cætero quin separabilis, pro diuersa subiecti proprii (quod vnicum est) sanguinis spirituumque conditione, diuersimodè mouetur & mouet, cogit, impellit: vnde alia alijs parthemata, quæ vel in sapientem cadunt; nemini omnia, nemini nulla.



X corporis temperatura, quâ solâ cum conformatione animorum varietas efficitur, si iusta sit, nascitur morum temperantia: alioquin calidi præcipientes, audaces, ^{et} *in amore & odio inconstantes*: frigidi ^{et} *pigri, legnes, timidi*: humidi pigri, focordes, minimè mali: sicci propositi tenaces, auari, inuidi, ^{et} *in æqualis sibi que minimè respondens partium principum temperaturæ excessus, inæquales inducit mores, compositus duplices*. Semper timiditas inueterata calliditatem habet adiunctam. Rursus vt temperamento, sic & moribus inter extrema ambigunt; si mali, nunquam mediocriter, præsertim cum acuto naso & parvis oculis: quamquam hic non tantum conformationi tribuimus, quantum temperiei, imprimis cordis, cuius ^{et} *in amore frustra explorabis, si proprium non quæris*. Ex pulsu animorum tumultus deprehenduntur, qui corpus vicissim feriunt: neque hanc in amore frustra explorabis, si proprium non quæris.



EMPERAMENTVM natiuum, omnium animæ facultatum primarium instrumentum, quod an ab humoribus denomines, an ab elementis nihil vetat, à primis generationis principijs ortum ducit, præsertim ^{et} *varijsque parentis semine, singularum partium nedum ideam sed & temperiem referente, quamuis in foeminis aliquando masculco, in viris foemineo*. Vix fero extremum dici hoc corporis & animæ symbolum, in plantis viuens, in animalibus vitæ proximum. Latet in eo vis tantò mirabilior, quantò ignotior: vt primum excitatur, animatur: & nisi motus soluat, prolem generanti similem, non minùs in moribus quàm in vultu effingit. Sexum temperies, speciem materia definit; vtrinque mores, qui subinde cum temperamento per ætates mutantur.



ON abs re Gallis nomen humoris ad mores transfertur, quorum consensus tantus est, vt vnâ componi debeant & temperari. Biliosorum celeres tum corporis tum animi motus compescet, si bili frænum iniicias: melancholicos exultatibus, si crassam atramque bilem vino diluas & illustres pituitosis calcar & animos addes, si ^{et} *phlegma* sanguineos continebis omnium moderatione; jisdemque ^{et} *hypnoticorum vfu & lactucarum esu*, inter quas Venus extinctum deposuit Adonim: contrà erucâ tardos excitabis, satyrio accendes, vnde satyriasis dicta, viraginibus frequentior ipsi viris salacioribus, quamquam minùs proletarijs; vt & hominibus melancholicis priapismus. Natura tamen quibusvis oculis potior est, modò mentem Venus ipsa dederit, sine qua plerumque fallit ^{et} *quædam*, & volentem deserit pars maximè phantastica: hæc quippe Philosophiæ naturalis pars, quæ in actione consistit, præ cæteris totum hominem requirit, ne fiat indigna parente proles: hinc pudendi natales nonnumquam heroës proferunt, quorum rursus filij vera metempsychosis auis simillimi. Non fatorem, sed sementem inspicere, vt de fruge iudices: *Natura sequitur semina quisque sua*.



EMO seipsum fugit: *cælum non animum mutat, qui trans mare currit*. Sola prudentia istam inuehit metamorphosim, & pronâ in peius corporis contagione voluntatem, intra rationis limites continet: iustâ corporis temperie non parùm adiuuatur, quam si desideras, felicissimè ^{et} *emendabit*: sic aliquando cura & studium afferet, quod natura videbatur negare. Neque verò æqualis est temperamenti vis in singulari animi affectione; potentissima, in quibus humanum est peccare; minor in alijs, in quibus si ratio non vincit, vti que pessima est. Hinc & inde virtutis seges est & materia, absque quâ illa nulla foret. Satis sit medico phyllogonomo ex temperie naturæ propensionem æstimasse, ad quam mores fere sequuntur: nihil præterea de euentu coniectandum recipit. Nugantur qui omnes hominum fortunas & casus præsentire se profitentur, vel tralatiuâ manus atque vultus inspectione. Omnino præstat principia generationis, præcipue efficien tia, diligenter attendere, ex quorum energia & complexione, tutò possis hominum ingenia atque mores colligere.

Ergo mores à semine. 208

Proponēbat Lutetiæ LVDOVICVS RENOVARD Lexoueus A. R. S. H. M. DC. XXXI.

DOMINI DOCTORES DISPUTATVRI.

M. Georgius Ioudouyn.
M. Hugo Chaffes.
M. Nicolaus Heliot.

M. Ioannes Vacherot. P. R.
M. Claudius Seguin.
M. Ioannes Baptista Ferrand.

M. Henricus Blacud. P. R.
M. Gabriel Biart.
M. Ioannes Desgoris. M. R.

